

MEEQQAT ULLUKKUINNAQ PAAQQINNITTARFINNUT/ULLUUNERANI ANGERLARSIMAFFIMMI
PAAQQINNITTARFINNUT KOMMUNEMIT INGERLANNEQARTUNUT INISSINNEQARTARNERAT
PILLUGU KAAJALLAASITAQ

Meeqqanik inuusuttunillu isumaginnineq pillugu langsrådip ileqqoreqqusaani §38 tunngavigalugu meeqqanik inuusuttunillu paaqqinnittarfiit kommunenit pilersinneqarlutillu ingerlanneqarsinnaapput, Inunnik Isumaginninnermi Qullersaatitanit maleruagassat aalajangersarneqarsimasut malillugit. Aalajangersakkat taakku tunngavigalugit tamatuma kingorna maleruagassat meeqqanik ullukkuinnap paaqqinnittarfinut aamma ulluunerani angerlarsimaffimmi paaqqinnittarfinnut inissiiniarnermi killisiuisarneq (agguataarisarneq) pillugu maleruagassat aalajangiunneqarput:

Killisiuisartut

1. Killisiuisartut kommunalbestyrelsemit pilersinneqartussaapput inuttarissallugillu
 - ullukkuinnaq paaqqinnittarfinni sulisoq, perorsaasutut ilinniagaqarsimasut akornanni taakkunanillu qinigaq, taakkununga ilaatillugit meeqqerisut.
 - Angajoqqaanit ilaasortaataq, ullukkuinnaq paaqqinnittarfinni siulersuisuni angajoqqaat ilaasortaataasa akornanni taakkunanillu qinigaq.
 - Ilaasortat marluk, isumaginninnermi ataatsimiititaliamit qinikkat, aappaa isumaginninnermi ataatsimiititaliamut ilaasortaasusaaq

Killisiuisartut akunnerminni siulittaasussartik taassumalu tulissaa qinissavaat. Siulittaasoq pisinnaatinnagu siulittaasup tulliata siulittaasup suliassai suliarissavai. Isumaginnittoqarfimmi suleqataasoq, utaqqisut allattorsimaffiannik allattuisartoq, killisiuisartuni allattuusaaq.

2. Piffissaq qinigaaffik ukiunik sisamanik sivisussuseqassaaq kommunemilu qinersisarnermut assingulluni.
3. Killisiuisartut pisariaqartitsineq naapertorlugu ataatsimiittassapput, kisianni ikinnerpaamik qaammammut ataasiarlutik.
4. Killisiuisartut aalajangiisinnaassuseqarput ilaasortat pingasut najuukkaangata. Taasinermi akerleriit amerlaqatigiitsillugit siulittaasup taasinera allajangiisuusaaq.
5. Suliassat kinguartinneqarsinnaanngitsut siulittaasumit killisiuisartut sinnerlugit aalajangiiffiqartassapput. Taassumalu kingorna killisiuisartut ilisimatinneqarlutik.

Killisiuisartut suliassai

6. Killisiuisartut suliassaraat uku killisiortassallugit ukioqanngitsuniit marlunnut ukiullit vuggestuenut ulluuneranilu angerlarsimaffimmi paaqqinnittarfinnut kommunemit ingerlanneqartunut inissinneqartut.

pingasuniit arfinilinnut ukiullit børnehavenut ulluuneranilu angerlarsimaffimmi paaqqinnittarfinnut kommunemit ingerlanneqartunut inissinneqartut.

arfineq-marlunniit 14-inut uliullit fritidshjeminut inissinneqartut.

Pissutsit naapertorlugit ajornanngippat, marlunnik ukiullit børnehavenut inissinneqarsinnaapput aamma arfinilinnik ukiullit fritidshjeminut.

7. Meeraqarpat ullukkuinnaq inissiisarfinnut ulluuneranilu angerlarsimaffimmi paaqqinnittarfinnut inissikkumaneqartunik, kisianni inissaqartinneqanngitsunik, taamaalisooqartillugu utaqqsit allattorsimaffiannik killisiuisartut pilersitsissapput, taannalu imaalillugu ingerlanneqassalluni, tassani takuneqarsinnaangorlugu meeqqat paaqqinnittarfinnut assigiinngittsunut, ullukkuinnaq paaqqinnittarfinnut ulluuneranilu angerlarsimaffimmi paaqqinnittarfinnut, inissikkumaneqartut amerlassusii allattorneqarlutik, immaqalu imaalillugu paaqqinnittarfiit tamarmik immikkut utaqqsunut allattuiffilerlugit.

Tulleriiarisarneq

8. Ullukkuinnaq paaqqinnittarfinni ulluuneranilu angerlarsimaffimmi paaqqinnittarfinni inissaqalersillugu killisiuisartut meeqqanik utaqqsit allattorsimaffianni allassimasut akornanni toqqaassapput ullukkuinnaq paaqqinnittarfinnut/ulluunerani angerlarsimaffimmi paaqqinnittarfinnut, ukiui naleqquttunik, kinguliini taaneqartut tunngavigalugit, tassa a-mi b-milu allassimasut siulliutinneqartuaannartussaapput, pissutsit pilersuisumut tunngassuteqartut apeqqaatinngit. Katissimanatik aalajangersimasumik inooqatigiittut meera katissimasut meeraannut sailliunneqarluinnartussaapput.

- a. Meeqqat isumaginninnermi udvalgimit siunnersuutigineqarsimasut isumaginninnermut perorsaariaatsimullu tunngassutilimmik immikkut ittumik pisariaqartitsisut imaluunniit pissutsit allat meeqqap ineriartorneranut navianaataasinnaasut pissutigalugit.
- b. Meeqqat ukioqarpallaalernerq pissutigalugu vuggestuemit børnehavemut imaluunniit børnehavemut fritidshjemimut nuuttariaqalersimasut.
- c. Meeqqat kisimiittunik suliffeqartunik ilinniagaqartunilluunniit pilersuisullit.
- d. Meeqqat aappariinnik suliffeqartunik ilinniagaqartunilluunniit pilersuisullit.
- e. Meeqqat pilersuisuisa arlaat suliffeqartoq ilinniagaqartorluunniit.
- f. Meeqqat suliffeqanngitsunik ilinniagaqanngitsunilluunniit pilersuisullit.

9. Killisiuisartut meeqqanik utaqqsit allattorsimaffiannit toqqaanerminni nakkutigissavaat paaqqinniffiit ataasiakkaat meerartaasa ukiuisa naleqquttumik assigiinnginnissaat, aamma nivarsiaqqat nukappiaqqallu sapinngisamik amerlaqatigiinnissaat, tassani eqqarsaatigineqarluni sulisut artukkinneqannginnissaat aamma perorsaariaatsimut tunngassuteqartutigut pitsaanerussuteqarnissaa. Killisiuisartut akornanni meeqqap ullukkuinnaq paaqqinnittarfimmi inissaqartinneqarsinnaa imaluunniit paaqqinnittarfimmut allamut nuunneqarnissaa isumaqatigiinngissutigineqartillugu, apeqqut taakku arlaannit isumaginninnermi ataatsimiititaliamut atortussaasumik aalajangiiffigisassanngorlugu saqqummiunneqarsinnaavoq.

Nipangiussisussaaneq

10. Killisiuisartunut ilaasortat allallut taakku ataatsimiinnerinut ilaaqataasarsimasut, suliannut tunngasunik paasisimasaminnik, suliannu qanoq issusia naapertorlugu isertuutariaqarpat, nipangiussisussaannermik pisussaataapput. Nipangiussisussaannermik pisussaaneq taakkunanani suliunnaarnermi suliaqarunnaarnermilu atorunnaarneq ajorpoq.

Suliassanik ingerlatseqqissinnaaneq

11. Killisiuisartunut aalajangiussaa meeqqap polersuisuinit isumaginninnermi ataatsimiititaliamut suliassanngorlugu ingerlateqqinneqarsinnaavoq. Meeqqanik inuusuttunillu isumaginninneq pillugu landsrådpil ilqqoreqqusaani §§ 31, 32, 33-lu tunngavigalugit isumaginninnermi ataatsimiititaliap aalajangiussimasaa komunalbestyrelsemut ingerlateqqinneqarsinnaavoq, taassumalu aalajangiussaa Inunnik Isumaginninnermi Qullersaatitanut ingerlateqqinneqarsinnaalluni.

Atortuulerneru

12. Ilqqoreqqusaq manna atortuulerpoq 1. januar 1979. Taanna ilutigalugu qullersaqarfiup kaajallaasitaa nr. 118 atorunnaarsinneqarpoq.

Inunnik Isumaginninnermi Qullersaqarfik, ulloq 11. december 1978

Mogens Bertelsen

/

Bjarne Møller